

永濟縣志

第十四冊

永濟縣志卷之二十三

事紀

巡幸

秦

始皇帝二十八年巡東方登蒲阪

漢

元封四年冬十月行幸雍時通回中道北出蕭關歷獨鹿
鳴澤自代而還幸河東春三月祠后土赦汾陰夏陽中
都死罪以下賜三縣及楊氏皆無出今年租賦六年冬

行幸回中春三月行幸河東祠后土赦汾陰殊死以下
賜天下貧民人布帛一匹太初二年春三月行幸河東
祠后土令天下大酺五日臘五日夏四月詔曰朕用事
介山祭后土皆有光應其赦汾陰安邑殊死以下天漢
元年三月行幸河東祠后土

宣帝神雀元年春正月行幸甘泉郊泰畤三月行幸河東
祠后土五鳳三年春三月行幸河東祠后土元帝初元
四年春三月行幸河東祠后土赦汾陰徒賜民爵一級
女子百戶牛酒鰥寡高年帛所過無出租賦永光五年

三月上幸河東祠后土建昭二年春三月行幸河東祠后土益三河太守秩戶十二萬爲大郡

成帝永始四年春正月行幸甘泉郊泰畤賜雲陽吏民爵女子百戶牛酒鰥寡高年帛三月幸河東祠后土賜吏民如雲陽行所過無出今年租元延二年四年三月並幸河東綏和二年三月幸河東祠后土

後漢

光武建武十八年三月壬午祠高廟遂有事十一陵歷馮翊界進幸蒲阪祠后土

明帝永平二年十一月謁陵園進幸河東所過賜二千石
令長以下至於掾吏各有差

章帝元和二年八月幸河東觀安邑鹽池

北魏

孝文帝太和二十一年三月自雲中還乙未南巡丙辰次
平陽使使者以太牢祭唐堯夏四月庚申幸龍門以太
牢祭大禹辛亥幸蒲阪以太牢祀虞舜戊辰詔修虞舜

夏禹廟

隋

文帝開皇七年十月幸蒲阪丙寅宴父老上極懼曰此間人物衣服鮮麗容止嫺雅良由仕宦之鄉陶染成俗也

唐

高祖武德三年正月辛巳如蒲州高宗龍朔二年三月辛

亥幸蒲州

宋

眞宗大中祥符四年正月幸汾陰二月癸丑次河中府丁

巳次寶鼎縣

國朝

新濟縣志
卷之十三
三
康熙四十二年

乘輿巡陝西次

蹕蒲州觀於五姓湖及虞舜廟

典禮

隋

祀先代帝王祀舜於河東以皋陶配祀成湯於汾陰以伊

尹配

唐

開元禮五岳四瀆皆以每年五郊迎氣日祭之歲四祭每
座豆籩各十簋簠各二俎三其祭西瀆大河之辭曰惟
神上通雲漢光啟圖書分導九枝旁潤千里素秋戒序
率用典常十一年將幸并州兵部尚書張說言於上曰

卷二十三
陛下今因行幸路由河東有漢武后土之祠此禮久闕
歷代莫能行之願隆斯墜典以爲三農祈穀此萬姓之
福於是十二年二月祀后土於汾陰雕上太史奏榮光
出河休氣四塞祥風繞壇日揚其光初有司奏修祠掘
地得古銅鼎二大者容四升小者容一升皆青色獲古
磚十長九寸有篆書千秋萬歲字又於古壇側舊祠堂
內得石人如從官像詔以鼎供廟移像就祠中配焉十
三年上將東封使大臣往河東魏知古祀堯於平陽蘇
頴祀禹於安邑宋璟祀舜於蒲阪天寶六載封河瀆爲

靈源公十載封西海爲廣潤王開元二十一年置河瀆
令一人正九品祝史三人齋郎十二人掌其祠祀禮儀
之事顯慶三年因長孫無忌議祭法乃祀舜於河東祀
禹於安邑祀堯於平陽祀湯於河南偃師唐制初祀河
瀆於同州開元十五年自朝邑徙祠於河中府以西海
於祠內望祀至今仍之

宋

太祖乾德元年詔曰歷代帝王國有常享五代亂離率多
墜廢匱神乏祀闕禮甚焉其堯廟在臨汾縣以稷契配

舜廟在河中府以皋陶配禹廟在夏縣以伯益配每三年一享仲春月行事湯廟在河南偃師以伊尹配如隋唐舊制眞宗四年祀汾陰駐蹕河中府令訪伯夷叔齊廟遣官致祭并葺祠宇大中祥符元年進號河瀆曰顯聖靈源公遣官往河中府告祭祥符四年眞宗幸汾陰親謁奠河瀆廟仁宗康定二年增封西海通聖廣潤王河瀆爲靈源王

金

世宗遣官至河中祀后土廟

元

至元三年定祀典每歲立秋日祭大河於河中府銀香合
一重二十五兩織金幡二鈔二百三十貫二十八年春
二月加封河瀆靈源宏濟王至正七年加封靈源神祐
宏濟王定制河瀆神儀仗其旗用黑質繡火焰大赤以
章其采繪神人冠七梁冠皁欄黃袍跨青龍祀西海制
與河同

明

洪武初正岳瀆位號稱大河之神西海之神有大事遣官

告祭

國朝

康熙四十二年

乘輿西巡過蒲州告祭湯陵并西海河瀆

掌故

上古鉅靈氏出於汾睢驅陰陽反山川路史引廣韻云鉅靈出於汾睢宋王存九域志鉅靈祠在河中府

黃帝采首山銅鑄鼎於荆山下晉灼曰地理志首山屬河東蒲阪

唐

堯登首山道河渚有五老遊焉相謂河圖將出告帝以期言訖五老化爲流星入昴

虞

舜耕厯山獲玉厯於河際之巖公孫尼子云舜牧於潢陽潢卽大河也魯連子云舜耕厯山而交益陶河濱而交禹舜耕厯山而得七友舜在位五老遊於國都拾遺記云五星之精也

夏

啟放王季子武觀於西河而叛啟命彭祖之後壽思帥師征之武觀來賓孔甲敗於葢陽大風雨入民舍主人妻方乳皆曰后來不勝之必殃孔甲曰取爲予子其誰殃及長屋折傷足孔甲曰有命於是爲破斧之歌東音始

作賁陽卽首陽首賁文近而誤路史以爲敗於黃賁見
山海經有黃賁之山於此不同也

周

武王以將軍之禮葬伯夷叔齊於首陽山譙周古史夷齊
采薇於首陽有婦人難之遂不食而死列士傳云武王
欲以二子爲左相王摩子往難之遂不食而死類苑夷
齊采薇不食有白鹿過而乳之穆天子傳壬戌天子至
於雷首犬戎胡觴天子於雷首之阿乃獻良馬四六天
子使孔牙受之於雷水之干水經注伯夷墓下其水西

南流亦曰雷水卽此是也

晉

獻公滅耿以賜趙夙滅魏以賜畢萬

趙宣子敗於首山舍於翳桑見靈輒餓問其病曰不食三日矣食之舍其半問之曰宦三年矣未知母之存否今近焉請以遺之使盡之而爲之食與肉以與之後晉侯飲趙盾酒伏甲將攻盾靈輒與爲公介倒戟以禦公徒而免之問曰何德於子而免我對曰翳桑之餓人也

魏武侯浮西河而下謂吳起曰美哉山河之固此魏國之